

85 I.

1251 d. 24 Sept.

Skanör.

Kon. ABELS i Danmark Förordning om Tullens erläggande vid Skanörs marknad.

L. 10: 970. *)

ABEL, Dei gratia Danorum Sclauorumque Rex, Dux Jutie, omnibus hoc scriptum cernentibus salutem in perpetuum. Tempus est mensura motus rerum mutabilium, idcirco discrete decreuit antiquitas, vt ea, que geruntur sub tempore, ne simul labantur cum tempore, literarum testimonio recipe- rent firmamentum. Ad reuocandas igitur contentiones, lites et discordias, nec non etiam perjuria super solutione thelonei in nundinis Scanore, que aliquando fiebant ab iis, qui Vindlandsfare dicuntur, que quidem sepius minime committi possunt sine discrimine et periculo non modico animarum, taliter inter nos et eosdem, accedente nostro et eorum consensu, delibera- tione sufficienti adhibita, satis prouide in perpetuum est statutum, quod de quolibet Coggone, qui ad partes occidentales de Scanore redierit, tri- ginta duo solidi honorum sterlingorum persoluantur: Si vero ad orientales partes declinare aliquis de supradictis noluerit, et super hoc ex parte no- stra requisitus iuramentum prestiterit corporale, quod illic sit tertius, duo solidi de qualibet testa monete Scaniensis recipiantur ratione telonei ab eo- dem. Si vero aliquis fraudem in premissis fecerit, et super hoc repertus et conuictus fuerit, bona ipsius ad vsus nostros deuoluentur vniuersa; qui si ad regnum nostrum redire noluerit, et nostrum nuncium ad terram aut ciui- tatem, in qua habitat, miserimus pro iustitia ab ipso obtinenda, nuncio no- stro cum omnibus bonis suis exponi debet a suis conciuibus. Hoc enim pre- fati Vindlandsfar firmiter promiserunt, qui presentes impetrarunt. Si vero conciuēs ipsius negligentes in hoc extiterint, nec curauerint nobis a prefato iustitiam extorquere, toti terre seu ciuitati, in qua habitat, debet merito imputari. Quicumque etiam ad prefatas nundinas de dictis Vindlandsfar cum nauī sua et suis deuenerit mercaturis, et inde ad Norwegiam transire volue- rit, nec secum halec, sed pannum lineum et sal seu etiam victualia sua de- tulerit, a telonei grauamine sit immunis; ita tamen quod Camerarius noster vel alius ex parte nostra vel ipsius naues ipsorum et eorundem contenta copiam habeat perscrutandi. Ceterum cum sepius progenitorum nostrorum temporibus passis naufragium violentia inferebatur et injuria, statuimus, vt quicumque naufragium perpessi fuerint, bona vniuersa libere habeant, que saluare et eripere possunt propriis laboribus et expensis, nec exactor noster seu aliquis alter se de bonis eorundem sic ereptis aliquatenus intromittat.

*) Efter en afskrift utur Sleswig-Holsteinska Cansli-Archivet.

Quicumque vero contra tenorem hujus priuilegii excesserit, non solum direptionem honorum suorum sentiet, verum etiam nostram non effugiet ultionem. Vt igitur premissa rata sint et firma, presentem paginam sigilli nostri munimine duximus roborandum. Datum Scanore Anno Domini M^oCC^oLI^o Calend. Octobris octauo. Presentibus Dominis subscriptis, dilecto consanguineo nostro Comite Ernesto, et fidelibus nostris, Tukone Camerario nostro, Nicolao nostro Prefecto Lundensi, Martino Porthagell, et multis aliis clericis et laicis ecclesie nostre.

852.

1255—1261 d. 9 Jan.

Påfv. ALEXANDER IV:s Bref till Konung och Jarl i Sverige att visa Ärke-Biskopen vördnad och att återställa Ström, Fornsigtuna och Guazbro.

A. 1. a. 26.

ALEXANDER episcopus seruus seruorum Dej. karissimo in christo filio .K. illustri Regi Suetie & dilecto filio nobilj viro .B. comiti. Salutem & apostolicam benedictionem. Quanto dono diuinj muneris maiorem habetis in terris potentiam, tanto eum cuius nutu diuitiis & nobilitate polletis, sincerius debetis diligere. & feruentius amplectj. que sue cognoscitis beneplacita uoluntati. Vnde quia deo gratum & acceptum existit. cum uirj ecclesiasticj a regibus & principibus honorantur. & in deuotione & reuerentia habentur. excellentiam uestram rogamus. exhortamur in domino & in remissionem uobis peccatorum iniungimus. quatinus Venerabilem fratrem nostrum Vpsellensem archiepiscopum. episcopos & reliquum clerum regnj uestri diujnj amoris intuitu & pro reuerentia beati Petrj & nostra. nec non etiam uestre salutis obtentu. diligatis & honoretis. & ej reuerentiam & deuotionem exhibeatis. & ita studeatis ipsos protegere & fouere & a malignantium incuribus custodire. quod ex hoc ab omnipotentj domino premium indeficiens possitis recipere. & gratias a nobis multimodas expectare. Nichilominus etiam magnitudinem uestram rogamus solliciteque monemus. ut Vpsellensi ecclesie tamquam matrj uestre & predicto archiepiscopo sicut spiritualj patrj promptum honorem & reuerentiam impendatis. & ita ej prouidere curetis. quod clericos & seruiantes possit habere. prout sue dignitati noscitur expedire. Preterea tres uillas uidelicet Strom. fornesitune & Guazbro eidem archiepiscopo & ecclesie sue restituatis & pacifice dimittatis. sicut sedes episcopalis eas consueujt habere. antequam esset ad alium locum translata. Dat. Anagnie V. Idus Januarij.

Bullan bortfallen.

853.